

Anstaltimiinnermik unitsitsigallarnermut akuersissummut nalunaarut (unitsitsinermut nalunaarut)

Kalaallit Nunaanni pinerluttulerinermi inatsit nr. 306 30. april 2008-meersumi § 232, imm. 3 naapertorlugu aaliangersarneqarpoq:

Kapitali 1

Unitsitsinissamut qinnuteqaat

Pisortaq

§ 1. Anstalterniissap naammassinneqarnissaanut aallartitsisoqarpat, Pinerluttunik isumaginnittoqarfiup ittuata unitsitsinissamut qinnuteqaatit suliarissavai, tak. § 2. Inissiisarfiup qinnuteqaat oqaaseqaatitalerlugu nassiutissavaa.

§ 2. Inissiisarfiup unitsitsinissamut qinnuteqaat itigartitsissutigisinnaavaa,

- 1) suliami ersippat, pineqartoq aallartitsinnginnermi assiganik kinguartitsinissamut qinnuteqaammik itigartinneqarsimasoq, imaluunniit
- 2) qinnuteqaat tunngavissaqarsorineqanngippat.

Imm. 2. Inissiisarfiup aaliangiinera imm. 1 naapertorlugu Pinerluttunik isumaginnittoqarfimmu maalaarutigineqarsinnaavoq pinerluttulerinermi inatsit § 245 naapertorlugu.

Imm. 3. Imm. 1 naapertorlugu itigartitsineq inissitamut allakkatigut nalunaarutigineqassaaq imaqaassallunilu ilitersuummik Pinerluttunik isumaginnittoqarfiup ittuanut maalaaruteqarsinnaanermut.

§ 3. Siunertaa anguneqarsinnaappat aneertarnermut inatsisit pinerluttulerinermi § 214 naapertorlugu, inissiisarfiup inissitamiit saaffiginnissut suliarissavaa tamanna tunngavigalugu.

Suliami paasisutissat

§ 4. Inissiisarfiup paasisutissat attuumassutillit ugartussavaat suliamut takussutaasinnaasut nalilersorlugulu, angerlarsimaffik pulaarneqassanersoq imaluunniit pinerluttunik isumaginnittoqarfiup immikkoortortaa piunaffigineqarsinnaavoq taamatut pulaartinneqarsinnaanersoq.

§ 5. Qinnuteqartoq nammineq suliamut saqqummiusseqataassaaq, imaaliormigut

- 1) inuttut pissusini pillugu apersortilluni,
- 2) uppersaatinik ilanngussilluni imaluunniit piunaffigineqarnermigut uppersaatinik takutitsilluni allakkatigulluunni, imaluunniit
- 3) inissiisarfiup suliffeqarfinniit-, ilinniarfimmik-, peqqissutsimut tunngasunik-, imaluunniit ilaqutariissutsimut tunngasunik oqaaseqaatinik paasiniaasoqarnissaanut akuersinermigut, aaliangiinermi iluaqutaasinnaasunik.

Imm. 2. Imm. 1 naapertorlugu qinnuteqartup piunasaqaatit eqquutsinngippagit, kingunerisinnaavaa paasisutissat atorineqarsinnaasut naammaginangippata unitsitsinissaq akuerineqanngittoq.

Kapitali 2

Aaliangiineq

Najoqutassat

§ 6. Aaliangiineq pinerluttulerinermi inatsit 232, imm. 1 naapertorlugu aaliangerneqassaaq.

Imm. 2. Missingersuisoqassaaq pineqaatissinneqartoq ilaquataalu pillugit inatsisinik atuutsitsisoqassaaq.

Imm. 3. Immikkut illuinnartumik pingaartinneqartarput inuppalaartumik pingaartitsinissaaq, assersuutigalugu angerlarsimaffimmi tassanngaannaq ajortoqartillugu, meeqqaq issusaat immikkut isiginiarneqartarmat, imaluunniit pineqaatissinneqartup najuunnera pisariaqartinneqartarmat ilaquataasut nakorsarneqarsinnaanngitsumik napparsimagaangata ilaquuttat najortariaqartarmata.

Imm. 4. Piumasaqaataavoq, paasissutissat naapertorlugit unitsitsineq, suliami takuneqarsinnaasut, peqqissutsikkut imaluunniit isumaginninnikkut akornusiisinnammata imaluunniit millisaataasinnaammata.

§ 7. Inatsisinik atuutsitsineq aallaqqaasiullugu akerliussaaq naammassinninneq unitsinneqarniarpat, qinnuteqartoq annertuumik pinerluuteqarsimappat, imaluunniit pineqaatissinneqarnikup nassuerutigisimappagu imaluunniit nutaamik pinerluutiminik pineqaatissinneqarsimappat.

§ 8. Naammassinninneq unitsinneqarsinnaanngilaq, atonerluineq ilimanaateqarpat

- 1) pineqaatissinneqarnikoq isertitsivimmiinngitsoq ilimagineqarpat ingerlatiinnaraa, annertussaraa imaluunniit naammassinninnissani sumiginnaraa, imaluunniit
- 2) ilimanaateqarpat, pineqaatissinneqarnikoq isertitsivimminngitsoq nutaamik pinerluuteqarniarpat.

Akuersissut

§ 9. Unitsitsinermit akuersissut piffissamut aaliangersimasumut killilerneqassaaq, naligninnaasumik piffissamut inissaqartitsinerup nalaani, naammassinninneq ingerlateqqinneqarsinnaalluni, tak. pinerluttulerinermi inatsit § 233.

§ 10. Piffissap ilaani aneertarnermut inatsit pinerluttulerinermi inatsit § 214 naapertorlugu atorneqarpat, akuersissut aatsaat ullormiit aneertarnermut akuersissutip atorunnaarnerani kisinneqassaaq.

§ 11. Akuersissutip piumasaqaatigaa pineqaatissinneqartoq nutaamik pinerluuteqassanngitsoq. Allani atugassarititaasumik aamma piumasaqaatitalerneqarsinnaavoq, soorlu pinerluttunik isumaginnittoqarfimmi nakkutigineqarnermik.

Imm. 2. Pinerluttunik isumaginnittoqarfimmi nakkutigineqarnissamut piumasaqaataavoq, pinerluttunik isumaginnittoqarfiup immikkoortortaqarfiani isumaqatigiissusiortoqarsimanissaa, pineqaatissinneqartup sumiiffiani.

§ 12. Naammassinninnissamut unitsitsinermut akuersissut allakkatigut nalunaarutigineqartassaaq. Inissiisarfiup pineqaatissinneqartoq allakkamik akuersissummut uppersaammik tunissavaa Pinerluttunillu nalunaarsuisarfik aaliangiinermik nalunaarfigissallugu.

Kapitali 3

Unitsitsinermut akuersissutip utertinneqarnera

Utertsitsinermut paasissutissat naloginnaasut

§ 13. Pinerluttunik isumaginnittoqarfiup ittuata unitsitsinissamut akuersissut utertsissinnaavaa,

- 1) pineqaatissinneqarnikup atugassarititaasut naapertunngippagit, akuersissummut aaliangersukkat, imaluunniit
- 2) paasissutissanik nutaanik takkuttoqarpat, pineqaatissinneqarnikoq nutaamik pinerluuteqarsimappat.

§ 14. Akuersissummut utertitsineq allakkatigut nalunarutigineqassaaq.

Imm. 2. Aalajangiineq pineqartumut politiit peqqussutaatigut nalunaarutigineqassaaq.

Utertsitsinermut pissutsit assigiinningsut

Nutaamik pinerluuteqarnermi utertitsineq il.il.

§ 15. Nutaamik pinerluuteqarnermi politiit nalunaarutigisinnaavaat unitsitsinermut akuersissut atorunnaarsinneqartoq.

Imm. 2. Pineqaatissinneqartoq nutaamik pinerluuteqarpat, utertitsinissamut aaliangiineq aaliangerneqassaaq aallaavigalugu, inatsimmut atorunnaartitsineq utertinneqassasoq, imaangippat pineqaatissinneqartup peqqissusaa imaluunniit ilaqaataasut nalillersuinermi pingaartinneqarpata.

Paasissutissat nutaat tunngavigalugit utertitsineq

§ 16. Paasissutissanik nutaanik takkuttoqarpat, pineqaatissinneqartoq nutaamik pinerluuteqarsimasoq, utertitsinissamut aaliangiineq nutaamik nalilersorneqassaaq, tak. §§ 6-8.

Atugassarititaasunik unioqqutitsinermi utertitsineq

§ 17. Pineqaatissinneqartup unitsitsinermut atugassaritaasut unioqqutissimappagit, akuersissut utertinneqassaaq, nutaamik nalilersuilluarnermi naammaginartumik tunngavissaqanngippat, akuersissut ingerlatiinnarneqassasoq, tak. §§ 6-8.

Kapitali 4

Pisuni allani unitsitsineq

Pineqaatissiissutip aallartinneqarneranut atatillugu kukkuneq

§ 18. Pinerluttunik isumaginnittoqarfiup ittuata inissiisarfimmi unitsitsisoqarfnerani aaliangersinnaavaa, naammassinninneq piaartumik unitsinneqassasoq, aallartitsisoqareeraluartoq, tassani piumasaaqatit eqquutsinneqanngikkaluartut, pineqaatissinneqartoq inatsisit naapertorlugit qaaqquneqarsimangimmat.

Imm. 2. Inissitaq aperineqassaaq, naammassinninneq unitsinniarlugu kissaateqarnerasoq.

Imm. 3. Unitsitsinissamut pissutaassaaq, inissitap piumasarissagaa, unitsitsinermullu pissutsit naliginnaasut ajoquserneqassanngimmata.

Imm. 4. Imm. 1-mi akuersissutip nalunaarutigineqarnera aggeqqussutip sivilissusaa assigissavaa.

Imm. 5. § 12 assiganik atuutsinneqassaaq.

Saammaanneqarnissaq ilimagineqarpat

§ 19. Pinerluttunik isumaginnittoqarfiup ittuata aaliangersinnaavaa, naammassinninneq unitsinneqassasoq, pisuni inissitap anstaltimiinnissaata sinnerani saammaanneqarnissaanik ilimanaateqarpat.

Imm. 2. Imm, 1-mi akuersissut nalunaarutigineqartarallassaaq.

Imm. 3. §§ 12, 13 aamma 17 assiganik atuutsinneqassapput.

Kapitali 5

Atortuulersitsineq

§ 20. Nalunaarut atortuulersinneqarpoq, ulloq 1. januar 2010.

Kalaallit Nunaanni Pinerluttunik isumaginnittoqarfik, ullo 7. december 2009

THOMAS NICOLAJSSEN